

**Cov Lus Nug Tas Li txog tus kab mob COVID-19 (coronavirus)
Lus Qhia Tshiab Rau lub 3 hlis tim 27, 2020**

Lus Nug). Cov tsev kawm ntawv raug kaw puas yog vim tus kab mob (COVID-19)?

Lus Teg). Yog, nyob rau lub 3 hlis tim 13, tom qab tus Thawj Tswj Fwm Teb Chaws qhov kev tshaj tawm teb chaws qhov xwm txheej ceev, Hauv Paus Tsev Kawm Ntawv Fresno tau muaj qhov kev txiav txim siab nyuaj tshaj plaws los mus kaw tag nrho cov tsev kawm ntawv rau cov tub ntxhais kawm ntawv pib rau hnuv Monday, lub 3 hlis tim 16 mus txog rau lub 4 hlis tim 13. Uas yog lub caj peb hauv paus tsev kawm ntawv rov qab tuaj mus kawm ntawv tom qab mus so lub caj nplooj hlav. Qhov no raug tag nrho rau cov kev kawm ntawv thiab tsev kawm ntawv rau cov laus tej kev kawm tib si. Peb muaj kev cia siab hais tias peb yuav rov qab qhib kev kawm ntawv tom qab kev mus so lub caj nplooj hlav, tiam sis peb yuav muaj kev soj ntsuam mus ntxiv saib qhov zoo tshaj rau peb cov me nyuam thiab zej zog yog zoo li cas.

Tsis tas li ntawv, lub zos Fresno thiab lub xeev California tau hais kom txhua tus neeg “nyob hauv tsev.”

Nyob rau lub sij hawm tsev kawm ntawv raug kaw no, peb xav qhia kom cov tub ntxhais kawm ntawv thiab cov tsev neeg kom nco qab ntsoov txog kev noj qab haus huv thiab soj ntsuam txog kev ruaj ntseg xws li kev ntxuav tes thiab nyob kom nrug deb ntawm lwm tus tib neeg. Qhov kev kawm tsev kawm ntawv no yog tsim coj los pab txo kom tsawg txog txoj kev kis tus kab mob no thiab yog hais tias peb cov tub ntxhais kawm ntawv thiab tsev neeg los nyob ua ke ua tsheej pab tsheej pawg yuav ua rau muaj kev nyuaj tsis raws li lub hom phiaj tsim los tiv thaiv cov kab mob no.

Hauv Paus Tsev Kawm Ntawv Fresno thov txhawb peb lub zej zog kom muaj kev ceev faj ntawm tus kheej ua ntej mus tiv thaiv txoj kev kis cov kab mob:

- Yog hais tias koj mob lawm, thov nyob so hauv tsev
- Zam txoj kev mus nyob ze rau cov tib neeg uas twb mob lawm
- Siv ntaub thaiv koj lub qhov ntswg thiab qhov ncauj thaum hnoos los log txham rau ntawm koj sab caj npab.
- Siv tshuaj ntxuav tes thiab dej ntxuav koj ob txhais tes tas li. Yog hais tias koj tsis muaj tshuaj ntxuav tes thiab dej, ces siv cov kua ntxuav tes ua muaj cawv xyaw li 60% los ntaw dua kuj yog ib txog hauv kev thiab.
- Zam txoj kev kov koj lub qhov muag, qhov ntswg, los yog qhov ncauj
- Cov muaj 65 xyoo rov los yog ib txwm muab moj yuam tsum nyob twjywm tom tsev.

YAIS ZAUB MOV (Food Services)-----

Lus Nug). Cov tub ntxhais kawm ntawv puas muaj txoj hauv kev mus noj mov thaum lub caj tsev kawm ntawv raug kaw?

Lus Teb). Muaj. Fresno Unified muaj zaub mov rau ntau lub tsev kawmntawv rau Monday-Friday thaum 9am-11am. Zaub mov muaj rau nej tuaj nqa mus. Cov menyuam kawmntawv nqa tau zaub mov rau cov tsev kawmntawv uas tau teev tseg. Lawv tsis tas yuav mus tom lawv lub tsev kawmntawv. Thaum lub caij tsev kawmntawv kaw, los yog spring break (April 6-13), yuav tsis muaj yais zaub mov lawm es cov neeg ua haujlwm thiaj li tau so.

Txij lub 3 hli 24 mus, cov chaw yais zaub mov yog li nram no:

Addams Elementary	Lincoln Elementary
Ahwahnee MS	Scandinavian MS
Birney Elementary (NEW)	Sequoia MS
Columbia Elementary	Tehipite MS
Computech MS	Tenaya MS
Cooper MS	Terronez MS
Figarden Elementary	Tioga MS
Fort Miller MS	Wawona K-8
Hamilton K-8	Yosemite MS

CUABYEEJ (Technology) -----

Lus Nug) Kuv tus menyuam tsis nco nws tus npe ntawv zais (password) nkag mus siv ATLAS lawm. Nws yuav kho lossis ua licas thiab hloov tau nws tus password?

Lus Teb) Rau cov menyuam kawmntawv qib 5-12, hauv ATLAS ntawm nplooj sau npe nkag, nyob sab laug ntawm qhov chaw sau npe thiab tus npe ntawv zais, muaj ib kab lus law *Forgot my Password*. Rau cov menyuam kawmntawv K-4, hu rau COVID-19 qhov chaw pab ntawm 457-3395.

Lus Nug) Kuv tus menyuam muaj teebmeem nrog nws lub tablet uas Fresno Unified muab rau nws siv. Kuv yuav hu rau leejtwg?

A) Koj hu tau rau peb qhov chaw pab LCD ntawm 457-3939.

Lus Nug) Kuv yog ib tug ua haujlwm nyob pem tsev tuaj rau Fresno Unified thiab muaj teebmeem siv tsis tau hauvpaus tsev qhiantawv tej haujlwm saum huab saum cua, lossis muaj teebmeem nrog hauv paus tsev qhiantawv tej cuabyeej nyob ntawm kuv. Kuv yuav hu tau rau leejtwg?

Lus Teb) Tib yam li thaum koj ua haujlwm nyob tom tsev qhiantawv, hu rau Employee IT Help Desk ntawm 457-2600.

Lus Nug) Kuv tus menyuam tsis muaj internet pem tsev. Kuv yuav ua licas thiaj tau cuabyeej txais tau saum huab cua (online) los pab nws?

Lus Teb) Nyob rau Fresno Unified's eLearn Companion Device program, cov menyuam kawmntawv txais tau ib lub table thiab/lossis nrog rau hot spot. Lub District tseem tabtom npaj l

seb yuav muaj tau licas. Tsis ntev, cov tsev kawmntawv yuav xa xov rau cov menyuam kawmntawv uas tsimnyog txais kev pab thiab nthuav tawm txog lawv tej tes haujlwm.

NTAUB NTAUV THIAB KEV KAWM (Curriculum and Instruction) -----

Lus Nug) Pwas yuav ntxiv hnuv rau thaum xyoo xaus lossis thaum caij so?

Lus Teb) Tamsim no peb tsis tau npaj yuav ntxiv hnuv rau xyoo xaus, tiamsis peb tseem tos seb xeev California yuav qhia licas tuaj tso.

Lus Nug) Pwas muaj lwm txoj haukev kawm rau cov menyuam thaum cov tsev kawmntawv kaw?

Lus Teb) Peb totaub tias cov menyuam kawmntawv tej sijhawm kawmntawv yuav tsis muaj cuag nua. Lub hauvpauv tsev kawmntawv qhia ib co tswvyim pab rau cov menyuam kawmntawv rau tej lub sijhawm tsis yoojyim zoo li no. Cov menyuam kawntawv qib TK-12 mus muab tau tej “Exercise their Brain” los yog kev kawm online nyob rau hauv fresnounified.org, lossis mus siv hauv lawv qhov ATLAS. Yuav muaj tsis txhua, tiamsis peb muaj tej pob ntaub ntauv rau cov menyuam nyob pem cov chaw yais zaub mov coj los kawm. Qhov no yog rau cov uas tsis muaj internet pem vaj pem tsev.

Rau cov menyam kawmntawv qib 9-12 uas tau kawm cov chav qhabnia tsis txaus (credit recovery), yuav tsum siv tej kev pab xws li Edgenuity, los pab kom lawv kawm tiav rau lub 6 hli ntuj. Tsis ntev peb yuav qhia tau cov hnuv xeev ntauv rau cov menyuam kawm cov chav AP hauv qib 9-12. Peb tseem tabtom tos seb pem hauvpauv lub xeev yuav qhia licas tuaj txog rau tej kev kawm qib 9-12, tshwjxeeb yog rau cov kawm yuav tiav xyoo no (seniors). Thaum peb paub qhov tshiab lawm peb mam qhia tej kev npaj tawm tuaj rau nej.

Lus Nug) Cov rooj sablaj IEP puas tseem yuav muaj thaum tsev kawmntawv kaw txog COVID-19?

Lus Teb) Tsis muaj. Cov rooj sablaj IEP tsis muaj thaum tsev kawmntawv kaw. Yog yam tseemceeb heev thiab yuav tsis tsim kev kub ntxhov xwb thiaj mam muaj. Peb tseem tabtom saib seb puas muaj lwm txoj kev taug los ua tau, yam tsis txhob tsim teebmeem noj qab haus huv rau sawvdaws.

Lus Nug) Kuv yog ib tug menyuam kawmntawv. Kuv yuav tau txais kuv tej qhabnia rau lub quarter thib 3 no licas?

Lus Teb) Cov xibfwb nyuam qhuav npaj tiav lawv cov qhabnia, thiab hauvpauv tsev ntauvntawv tabtom yuav muab xa tawm tuaj rau nej. Thaum cov tsev kawmntawv kaw, peb txhawb cov menyuam kawmntawv kom kavtsij qoj lawv lub hlwb (exercise their brain) ua haujlwm xws li siv

tej kev pab hauv fresnounified.org lossis mus hauv menyuum kawmntawv qhov ATLAS portal, txawm hais tias peb yuav tsis suav lossis khaws tseg.

TEJ CHAW PAB RAU COV NEEJ UA HAUJLWM (Human Resources) -----

Lus Nug) Puas tseem muaj neeg ua haujlwm thaum cov tsev kawmntawv kaw lawm?

Lus Teb) Peb saib cov sijhawm ua haujlwm ib limtiam dhau ib limtiam, tiamsis lub sijhawm no tsuas yog cov tuav haujlwm xws li cov ua zaub mov, cov tu vaj tu tsev, thiab cov neej ua haujlwm tshwjxeeb thiaj tseem ua xwb (xwllis cov thawj coj rau cov tsev kawmntawv thiab nyob nram District—benefits, payroll, and human resources). Dua li puavleej so lossis ua haujlwm pem tsev lawm xwb.

Txhua tus neeg tuav haujlwm uas tsis raug yuam tuaj ua haujlwm lub sijhawm no yeej yuav tau txais nyiaj hli, thiab lawv nyob to seb puas raug txib ua dabtsi xwb.

Peb paub tias lub sijhawm no yeej ua kev nyuajsiab rau tag nrho sawvdaws nyob hauv zej zog, tshwjxeeb yog muaj ntau yam pauv txhua hnuv rau cov neeg ua haujlwm thoob hauv lub zos.

Lub sijhawm no, yog tus tuav haujlwm twg tsis yog nyob rau pab yuav tsum nyob vaj nyob tsev (65 xyoo rau sauv thiab muaj mob ntev lawm) es yuav ua tsis tau tej haujlwm raug txib no ces nws yuav tau siv nws cov sijhawm so mob (sick time) lossis siv nws cov sijhawm so rau tsev neeg thaum muaj mob nkeeg (family medical leave).

Nyob raws li tej kev xav tau, peb mam qhia txog cov sijhawm ua haujlwm ua ntu zus mus. Thov nyob cuag ncuag nrog koj tus nai thiab saib tus thawj Superintendent Nelson tej lus tshaj qhia tshiab rau txhua hnuv Friday.

Lus Nug) Hais txog cov neeg tsis tuav haujlwm cuag ncuag (substitutes) ne, lawv puas yuav tau txais nyiaj ua haujlwm?

Lus Teb) Lub sijhawm no, txhua tus neeg tuav haujlwm tsis cuag ncuag uas yog qhia ntawv thiab pab haujlwm, raug muab txo tag lawm. Peb paub tias qhov no tsis yoojyim rau cov tuav haujlwm tsis cuag ncuag no. Peb tabtom nrog sawvdaws thiab cov paub kevcav lijchoj sib ntaus tswvyim seb yuav pab tau licas. Thaum muaj yam tshiab, peb mam qhia tawm raws Human Resources thiab fresnounified.org. Ua tsaug nej ua lub siab ntev. Thov qhia rau nej paub hais tias nej muaj cai mus thov nyiaj poob haujlwm nrog rau EDD.

Lus Nug) Fresno Unified puas tseem txais neeg ua haujlwm thaum cov tsev qhiantawv kaw lawm?

Lus Teb) Lub sijhawm peb tabtom lim tej haujlwm tseemceeb hauv HR no, **peb muab kev txais neeg ua haujlwm ncuag lawm.**

Lus Nug) Fresno Unified puas tseem ua ntawv puavpheej ua haujlwm (employment verification) thaum cov tsev kawmntawv thiab hauvpaus tsev kawmntawv kaw lawm?

Lus Teb) Lub sijhawm no hauvpaus tsev kawmntawv tseem ua cov ntawv puapheej. Xa kev thov rau tus email no: hrmessages@fresnounified.org.

Lus Nug) Kuv hu puas tau rau HR thaum cov chaw haujlwm kaw lawm?

Lus Teb) Lub sijhawm no cov xovtooj yuav ncau mus rau COVID-19 Call Center 457-3395.

KEV KAWM NTAWV TSWJXEEB (SPECIAL EDUCATION).....

Lus Nug) *Puas muaj yam kev pab dabtsi rau cov menyuam kawmntawv tshwjxeeb thaum cov tsev qhiantawv kaw lawm?*

Lus Teb) Hauvpaus yeej npaj tseg kom cov menyuam kawmntawv tshwjxeej tau txais kev pab raws li teev tseg hauv lawm daim IEP lossis 504 Plans li ua tau nyob rau lub sijhawm no, xws li:

- Cov menyuam kawmntawv muaj daim IEP, yeej muaj txoj cai yuam kom nrhiav lwm yam kev pab rau cov menyuam kawmntawv tshwjxeeb thiab saib tseemcee dua ntais txog txoj kev nyabxeeb rau cov menyuam thiab cov neeg ua haujlwm.
- Cov menyuam muaj 504 Plans, yeej muaj txoj cai yuam kom hloov, txhawb thiab pab raws tej kev kawm muaj nyob saum internet.

Lus Nug) *Kuv yuav ua licas thiaj paub ntxiv txog tej kev pab kuv tus menyuam raws nws daim IEP?*

Lus Teb) Lub District's COVID-19 call center yuav pab xa koj rau ib tug paub zoo yuav teb koj tej lus txog seem no. Tus xovtooj yog (559) 457-3395, thiab tus kws neeg ua haujlwm paub zoo rau seem no yuav nyob ntawd pab tej uas nej xav tau.

Lus Nug) *Tej tsis yog xwm ceev xws li pab rau sab kev nyuajsia ntxhov plawv (social/emotional) puas tseem muaj luj sijhawm cov tsev qhiantawv kaw lawm?*

Lus Teb) Muaj. Yog koj muaj ib qhov tsis yog xwm ceev txog kev nyuajsiab ntxhov plawv rau koj tus menyuam, hu rau lub District's COVID-19 call center tus xovtooj (559) 457-3395 thaum lub sijhawm qhib. Yog muaj ib qho xwm ceev uas koj xav hais tias yuav tshwmsim teebmeem rau koj tus menyuam lossis rau lwm leej lwm tug no ces hu rau ceev nrooj rau 911.

LWM YAM LUS NUG (General Questions).....

Lus Nug). *Thaum tsev kawm ntawv kaw lawm es yog kuv muaj lus nug kuv yuav hu rau leej twg?*

Lus Teb). Hauv Paus Tsev Kawm Ntawv tau tsim muaj ib qho chaw teb xov tooj los mus teb niam txiv thiab neeg ua haujlwm cov lus nug lub caij tsev kawm ntawv raug kaw. Tam sim no, qhov chaw teb xov tooj qhib txhua hnuv pib thaum 8:00 teev sawv ntxov-5:00 teev yav tsaus ntuj. Tus xovtooj yog 457-3395. Qhov website Fresnounified.org kuj tso cov ntaub ntawv tseem ceeb nyob rau saud.

Lus Nug). Cov tsev kawmntawv puas qhib rau tij neeg tuaj siv?

Lus Teb). Tsis pub. Thaum cov tsev kawm ntawv thiab hauv paus tsev kawmntawv kaw lawm, txhua cov kev koom nyob rau tsev kawmntawv raug kaw, xws li Saturday Green Space thiab cov tuaj sibkoom hauv tsev kawmntawv (church, community, sports events/practices). Cov tsev kawmntawv tsuas qib thaum lub sijhawm yais zaub mov xwb. Txhob tuaj uasi rau cov tsev kawmntawv lub sijhawm lawv raug kaw.

Lus Nug). Peb muaj peev xwm ua tau dab tsi ntiv los mus txo kom qis txog kev kis tus kab mob COVID-19 lub caij tsev kawm ntawv raug kaw?

Lus Teb). Nyob rau lub sij hawm tsev kawm ntawv raug kaw no, peb xav qhia kom cov tub ntxhais kawm ntawv thiab cov tsev neeg kom nco qab ntsoov txog kev noj qab haus huv thiab soj ntsuam txog kev ruaj ntseg xws li kev ntxuav tes thiab nyob kom nrug deb ntawm lwm tus tib neeg. Qhov kev kaw tsev kawm ntawv no yog tsim coj los pab txo kom tsawg txog txoj kev kis tus kab mob no thiab yog hais tias peb cov tub ntxhais kawm ntawv thiab tsev neeg los nyob ua ke ua tsheej pab tsheej pawg yuav ua rau muaj kev nyuaj tsis raws li lub hom phiaj tsim los tiv thaiv cov kab mob no.

Lus Nug). Hauv Paus cov chaw saib mob puas qhib lub caij tsev kawm ntawv raug kaw?

Lus Teb). Qhib, Qhov chaw saib mob nyob rau tom Tsev Kawm Ntawv Qib Nrab Gaston yuav qhib rau lub zej zog, hos peb qhov chaw saib mob qhib tshiab nyob rau tom Tsev Kawm Ntawv Addams yuav qhib rau cov tub ntxhais kawm ntawv nyob rau tom Addams nkaus xwb.

Lus Nug). Peb mus muab cov ntaub ntawv qhia txog tus kab mob COVID-19?

Lus Teb). CDC, California Department of Public Health, thiab Fresno County Department of Public Health cov websites puav leej muaj cov kev pab zoo rau cov lus tseeb tshiab txog tus kab mob COVID-19. Koj muaj peev xwm mus saib peb cov ntaub ntawv ntawm peb hauv paus qhov website ntawm fresnounified.org.